

# RREGULLORE

## PER MBROJTJEN E SHENDETIT TE PUNEMARRRESVE NGA PERDORIMI I PRODUKTEVE TE DUHANIT NE BASHKINE KUKES

### Hyrje

Bazuar në ligjin Nr.139/2015 te miratuar me date 17.02.2016 “Për veteqeverisjen vendore”, ligjin Nr.8485 datë 12.05.1999 ”Kodi i Proçedurave Administrative të RSH” ligjin Nr.9636, datë 06.11.2006 “Për mbrojtjen e shëndetit nga produktet e duhanit”, (i ndryshuar) nenet 3,15, ligjin Nr.10 237, datë 18.02.2010 ”Për sigurinë dhe shëndetin në punë”, ligjin Nr. 4/2014 te miratuar me date 30.01.2014 “Për ratifikimin e konventës C187 të organizatës ndërkombëtare të punës (ILO) “Për kuadrin promocional të sigurisë dhe të shëndetit në punë - 2006” si dhe ne ligjin Nr. 9474, datë 09.02.2006 “Për ratifikimin e konventës kuadër të organizatës botërore të shëndetësisë - Për kontrollin e duhanit”, për të garantuar sigurinë dhe shëndetin e punëmarrësve dhe të personave të tjerë në mjediset e institucionit, duke patur parasysh pasojat e dëmshme që sjell duhani për shëndetin e njeriut, miratohet kjo rregullore e cila ka për qëllim ndalimin e përdorimit të duhanit brenda mjediseve të brendshme.

### Neni 1

#### Përkufizime

“*Mjedis pune*” konsiderohet çdo hapësirë e mbyllur, ku punonjësit ushtrojnë veprimtarinë dhe detyrat për të cilat janë punësuar, si dhe salla mbledhjesh, korridore, shkallë, dhe çdo mjedis tjetër i mbyllur, që frekuentohet gjatë orarit të punës.

“*Pirje duhani*” është ndezja, thithja dhe mbajtja në dorë e ndezur e çdo produkti duhani që digjet.

“*Tavllë duhani/ taketuke cigaresh*” është një enë e vogël ku shkundet hiri i produktit të duhanit që po digjet dhe ku lihen bishtat e cigareve.

“*Masat parandaluese të duhanpirjes*” janë veprimtaritë sistematike, që synojnë të sigurojnë mbrojtjen e shëndetit të popullsisë, duke zgjatur jetën dhe përmirësuar cilësinë e saj.

### Neni 2

#### Pergjegjesia e Punedhenesit

Punëdhënësi detyrohet të marrë masa dhe të miratojë rregulla për sigurimin dhe mbrojtjen e punëmarrësve në të gjitha aspektet që lidhen me sigurinë dhe shëndetin në punë nga përdorimi nga produktet e duhanit.

- a. Punëdhënësi në marrjen e masave për mbrojtjen e sigurisë e të shëndetit në punë, udhëhiqet nga parimi i trajtimit të barabartë.
- b. Detyrimet e punëdhënësit për marrjen e masave të veçanta në punë të punëmarrësve, janë të domosdoshme për garantimin e sigurisë dhe shëndetit të tyre.

### **Neni 3**

#### **Masat per ndalimin e pirjes se duhanit**

Pirja e duhanit nenkupton perdorimin e produkteve te duhanit brenda mjediseve publike, duke marre parasysh qe ekspozimi i pavullnetshem ndaj tymit te çliruar, krijon pasoja te renda per shendetin ne menyre aktive dhe pasive.

Ndalohet pirja e duhanit nëpër të gjitha mjediset e brendshme te institucionit te Bashkise Kukës (zyra, salla, korridore etj.).

### **Neni 4**

#### **Masat per ndalimin e pirjes se duhanit**

Drejtoria e MBNJ-se eshte pergjegjese për vendosjen brenda mjediseve te institucionit të listës së trupave inspektuese për mbrojtjen e shëndetit nga produktet e duhanit.

Gjithashtu Drejtoria e MBNJ-se, ka per detyre:

- a. Vendosjen e shenjave të dukshme (të miratuara nga KNMSHPD-ja), që tregojnë se pirja e duhanit në këto mjedise është e ndaluar,.
- b. Heqjen e tavllave të duhanit në këto mjedise.
- c. Mbikqyrjen dhe respektimin e rregullave per ndalimin e pirjes se duhanit ne mjediset e brendshme te institucionit.
- d. Organizimin e aktiviteteve ndergjegjesuese ne ditën boterore kunder duhanit (date 31 Maj).

### **Neni 5**

#### **E drejta e informimit**

Çdo punemarres duhet të informohet për pasojat shëndetësore, natyrën droguese dhe kërcënimin vdekjeprurës të shfaqur nga konsumimi i duhanit tij, si dhe per masat e marra për mbrojtjen e të gjithë stafit nga ekspozimi ndaj tymit të duhanit.

### **Neni 6**

#### **Institucionet Pergjegjese**

Institucionet përgjegjëse për kontrollin e zbatimit të këtij ligji, bëjnë verifikimin e respektimit të kërkesave ligjore, në përputhje me ligjin Nr. 10 433, datë 16.06.2011 “*Për inspektimin në Republikën e Shqipërisë*”.

Institucionet përgjegjëse për kontrollin e zbatimit të ligjit Nr.9636, datë 06.11.2006 “*Për mbrojtjen e shëndetit nga produktet e duhanit*”, jane:

- a. Inspektoriati që mbulon fushën e shëndetit;
- b. Inspektoriati që mbulon fushën e punës;
- c. Inspektoriati i sigurisë ndaj zjarrit;

## **Neni 7**

### **Shkelja e dispozitave**

Shkeljet e dispozitave te percaktuara ne ligjin Nr.9636, datë 06.11.2006, përbën kundërvajtje administrative dhe dënohen si më poshtë:

- a. 300.000 leke personi i tatueshem.
- b. 50 000 (pesëdhjetë mijë) lekë, personi përgjegjës në institucionet publike;
- c. 5 000 lekë (pesë mijë) lekë, duhanpirësi;

Masa e gjobes parashikohet si dënim më vete dhe jepet nga trupat inspektuese. Ankimi ndaj vendimeve të trupave inspektuese, të percaktuara në ligj, bëhet në përputhje me ligjin për inspektimin.

Pas përfundimit të procedurave të ankimit administrativ, bëhet ankim në Gjykatën Administrative, brenda afateve dhe të parashikuara në dispozitat ligjore.

## **Neni 8**

Kjo rregullore hyn në fuqi menjëherë.

**KRYETARI**  
**Bashkim SHEHU**